



Concello de Vigo

ACTA DA XUNTA DE GOBERNO LOCAL
Sesión extraordinaria e urxente do 17 de abril de 2019

ASISTENTES:

Membros :

D. Abel Caballero Álvarez
D. Francisco Javier Pardo Espiñeira
D. Carlos López Font
D. Cayetano Rodríguez Escudero.
D^a. Nuria Rodríguez Rodríguez
D^a. M^a. Isaura Abelairas Rodríguez
D. Jaime Aneiros Pereira.

NON ASISTEN:

D^a M^a. Carmen Silva Rego
D^a. Olga Alonso Suárez
M^a José Caride Estévez

Na Casa do Concello de Vigo, ás dez horas e corenta e cinco minutos do día dezasete de abril de dous mil dezanove e baixo a presidencia do Excmo. Sr. alcalde, Sr. Caballero Álvarez, coa asistencia dos concelleiros/as anteriormente citados, actuando como Secretaria a concelleira, Sra. Rodríguez Rodríguez, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa.

Están tamén presentes por invitación, a secretaria de Admón. Municipal, Sra. Gallardo Fariña, por ausencia da titular do órgano de apoio á Xunta de Goberno Local, e a interventora adxunta, Sra. Gómez Corbal.

A Xunta de Goberno Local adopta os seguintes acordos:

1(311).- RATIFICACIÓN DA URXENCIA.

A Xunta de Goberno local ratifica a urxencia da sesión.

2(312).- EXPEDIENTE DE CONTRATACIÓN DO SUBMINISTRO E OBRA DE INSTALACIÓN DE ASENTOS PARA A GRADA DE RÍO BAIXO NO ESTADIO MUNICIPAL DE BALAÍDOS. EXPTE. 23/441.

Examinadas as actuacións do expediente, visto o informe de fiscalización do 17/04/19, dáse conta do informe-proposta da Mesa de contratación de data 17/04/19, que di o seguinte:

10.- Propostas de adxudicación

a) Procedemento aberto para a contratación do subministro e obra de instalación de asentos para a Grada de Río Baixo no Estadio municipal de Balaídos (23-441)

LEXISLACIÓN APLICABLE

- Lei 9/2017, do 8 de novembro, de contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014
- Real decreto 817/2009, de 8 de maio, polo que se desenvolve parcialmente a Lei 30/2007, de 30 de outubro, de contratos do sector público (RLCSP)
- Real decreto 1098/2001, de 12 de outubro, polo que se aproba o regulamento xeral da Lei de contratos das Administracións Públicas (RLCAP), no que non se opoña ao Real decreto legislativo 3/2011
- Prego de cláusulas administrativas particulares que rexe o procedemento aberto para a contratación do subministro e obra de instalación de asentos para a Grada de Río Baixo no Estadio municipal de Balaídos (23-441)

ANTECEDENTES

Primeiro.- A Xunta de Goberno local na sesión que tivo lugar o 4 de abril de 2019, adoptou o seguinte acordo:

“Primeiro.- Dar conta da exclusión de CIVIS GLOBAL, S.L., acordada pola Mesa de Contratación do Concello de Vigo na sesión do 26 de marzo de 2019, por non acadar a súa proposición avaliable mediante xuízo de valor o umbral mínimo de puntuación esixido no apartado 7A do Anexo I (FEC) do PCAP.

Segundo.- Clasificar, de acordo cos criterios de adxudicación sinalados no prego, as proposicións admitidas neste procedemento aberto para a contratación do subministro e obra de instalación de asentos para a Grada de Río Baixo no Estadio municipal de Balaídos (23-441) na seguinte orde descendente:

	Licitadores	Puntuación
1	PRACE, SERVICIOS Y OBRAS, S.A.	95,00
2	S.A. DE OBRAS Y SERVICIOS, COPASA	75,15

Terceiro.- Requirir ao licitador clasificado en primeiro lugar, PRACE, SERVICIOS Y OBRAS, S.A., para que presente, no prazo de dez días hábiles, a contar desde o seguinte a aquel no que reciba o requirimento, a seguinte documentación (artigo 150.2 LCSP):

1. Declaración responsable de non estar incurso en prohibición de contratar.
2. A documentación esixida nas cláusulas 8 e 22 do prego de cláusulas administrativas particulares (PCAP).



Concello de Vigo

3. Resgardo da garantía definitiva esixible de acordo co disposto na cláusula 24 do prego de cláusulas administrativas particulares”.

Segundo.- Este acordo foi notificado ao licitador clasificado en primeiro lugar, PRACE, SERVICIOS Y OBRAS, S.A., o día 5 de abril de 2019, que presenta a documentación requirida o 16 de abril, dentro do prazo concedido.

Terceiro.- A Mesa de Contratación na sesión do 17 de abril de 2019 revisou a documentación presentada, sendo esta correcta, polo que acordou, por unanimidade dos membros presentes, propoñer ao órgano de contratación a adxudicación deste procedemento.

FUNDAMENTOS XURÍDICOS

Primeiro.- A nosa lexislación contractual impón ao órgano de contratación a obriga de adxudicar o contrato dentro dos cinco días hábiles seguintes á recepción da documentación. O acordo de adxudicación deberá ser motivado, notificarase aos licitadores e, simultaneamente, publicarase no perfil de contratante no prazo de quince días (artigo 151.1 LCSP).

Recibida tanto a documentación presentada polo licitador clasificado en primeiro lugar PRACE, SERVICIOS Y OBRAS, S.A., como a solicitada de oficio pola Administración municipal e, comprobado que esta é correcta, procede adxudicar este contrato.

Segundo.- A competencia para formular a proposta de adxudicación ao órgano de contratación correspóndelle á Mesa de Contratación. A proposta realizarase a favor do licitador que teña presentado a mellor oferta, de conformidade coo disposto no artigo 145, segundo proceda de conformidade co prego de cláusulas administrativas particulares que rexa a licitación.

A oferta coa mellor relación calidade-prezo para a administración contratante é a formulada por PRACE, SERVICIOS Y OBRAS, S.A., de acordo cos informes de valoración das proposicións avaliadas mediante xuízo de valor e das proposicións avaliadas mediante fórmula, de datas 22 e 28 de marzo de 2019, respectivamente.

Terceiro.- A competencia para a resolución deste expediente correspóndelle á Xunta de Goberno local (apartado 4 da disposición adicional segunda da LCSP), na súa calidade de órgano de contratación.

En base ao que antecede, propónse á Xunta de Goberno local como órgano de contratación, en uso das facultades que lle confire a lexislación vixente, a adopción do seguinte acordo:

“Adxudicar a PRACE, SERVICIOS Y OBRAS, S.A. o procedemento aberto para a contratación do subministro e obra de instalación de asentos para a Grada de Río Baixo no Estadio municipal de Balaídos (23-441) coas seguintes condicións:

- a) O prezo total do contrato é de 546.952,53 euros, sendo a cota correspondente ao IVE de 94.925,65 euros.*
- b) Propón un incremento do prazo de garantía de 12 meses (36 meses en total).*

Todo iso de acordo cos pregos de prescricións técnicas e de cláusulas administrativas particulares aprobados por acordo da Xunta de Goberno e a oferta presentada”.

Acordo

A Xunta de Goberno local aproba a proposta contida no precedente informe.

3(313).-MODIFICACIÓN DO CONTRATO DE SUBMINISTRO DE GAS NATURAL PARA OS COLEXIOS PÚBLICOS, ESCOLAS INFANTÍS MUNICIPAIS, PAZO DE CONGRESOS E DEPENDENCIAS MUNICIPAIS. EXPTE. 116/441

Examinadas as actuacións do expediente, dáse conta do informe-proposta de data 16/04/19, asinado pola enxeñeira técnica industrial da área de Servizos Xerais, o xefe do Servizo Administrativo e Control Orzamentario da área de Fomento, letrado especialista no orde social civil contenciosa e mercantil da Asesoría Xurídica, a letrada xefa de Asesoramento da Asesoría Xurídica, e conformado polo concelleiro-delegado da área de Fomento, que di o seguinte:

I.- A Xunta de Goberno Local, na sesión do 15 de novembro de 2018, entre outros asuntos acordou:

Primeiro.- Aprobar o presente expediente de contratación, a través do procedemento aberto simplificado e tramitación ordinaria, do contrato de SUBMINISTRO DE GAS NATURAL PARA OS COLEXIOS PÚBLICOS, ESCOLAS INFANTÍS MUNICIPAIS, PAZO DE CONGRESOS E DEPENDENCIAS DO CONCELLO DE VIGO.

Segundo- Aprobar o Prego de Prescricións Técnicas particulares asinado polo Enxeñeira Técnica Industrial en data 17 de outubro de 2018.

Terceiro.- Aprobar o Prego de Cláusulas Administrativas Particulares que rexerá a contratación, redactado pola xefa do Servizo de Contratación en data 08/11/18.

Cuarto.- Autorizar o gasto por importe total do expediente o cal ascende a un máximo OITENTA E SETE MIL EUROS (87,000,00 €) IVE engadido, sendo o importe do IVE de QUINCE QUINCE MIL NOVENTA E NOVE MIL EUROS CON DEZASETE CÉNTIMOS (15.099,17 €).

Para o seu financiamento aplicaranse os créditos do vixente orzamento do Concello de Vigo para o ano 2.018 e 2.019, de acordo as seguintes aplicacións orzamentarias e créditos:



Concello de Vigo

Distribución orzamentaria anualidades	Importes con IVE
2018(1 mes)	
Aplicación orzamentaria 3230.221.02.00.	6.661,16 €
Aplicación orzamentaria 9200.221.02.00.	15.115,70 €
Aplicación orzamentaria 9202.221.02.00.	512,40 €
Total 2018	22.289,26 €
2019(3 meses)	
Aplicación orzamentaria 3230.221.02.00.	19.338,84 €
Aplicación orzamentaria 9200.221.02.00.	43.884,30 €
Aplicación orzamentaria 9202.221.02.00.	1.487,60 €
Total 2019	64.710,74 €
Total	87.000,00 €

O prezo estimado do contrato ascende a 97.066,12 €.

Quinto.- Abrir o procedemento de adxudicación para a selección do contratista na forma prevista na lexislación vixente

II.- A Xunta de Goberno Local en sesión de 21 de decembro de 2018, entre outros asuntos acordou; *"Adxudicar a GAS NATURAL COMERCIALIZADORA, S.A. o procedemento aberto simplificado para a contratación do subministro de gas natural para os colexios públicos, escolas infantís municipais, Pazo de Congressos e dependencias do Concello de Vigo (116-441) por un prezo total de 87.000 euros, sendo a cota correspondente ao IVE de 15.099,17 euros, e un prezo ofertado de 62.963,13 (€/cuadrimestre) do termo variable total."*

III.- O apartado 15.a das FEC indican a posibilidade de modificación do contrato, de acordo coas seguintes circunstancias:

Poderá ampliarse ou reducirse por incorporacións de novos subministros ao contrato, ou por desaparición doutros, cando se produzan incorporacións dos novos centros escolares ou outras dependencias do Concello non contempladas no PPTP. Ou en caso contrario, cando o subministro se vexa desafectado, ou o Concello modifique o seu sistema de subministro enerxético, e dentro dos límites legais establecidos.

Un incremento da previsión de consumos indicada no prego de condicións técnicas particulares motivada por aspectos de maior uso das instalacións ou aspectos ambientais.

Un incremento producido polo prezo da enerxía primaria utilizada nas salas de produción durante a vixencia do contrato.

Así mesmo o apartado 15.d das FEC indica como límite máximo da modificación do contrato o 10% do prezo do contrato

Fundamentos técnicos e xurídicos

I.- Xustificación técnica.- En relación coa execución deste contrato e de acordo coa realidade da súa execución e necesario ter en conta a necesidade iniciar o expediente administrativo para a modificación do contrato de acordo as seguintes observacións:

O vixente contrato e un contrato de subministros en función das necesidades da administración cun orzamento máximo (disposición adicional 33ª da LCSP) e de acordo aos prezos unitarios ofertados polo adxudicatario.

En relación aos consumos xa tramitados en relación ao contrato, temos que indicar que debido as condicións derivadas do usos das instalacións obxecto do contrato, así como das peculiaridades climatolóxicas do período decembro 2018-Abril 2019, leva implícito un maior consumo de gas para os sistemas de produción de calor das instalacións incluídas no obxecto do contrato polo cal e necesario proceder a solicitude da condición recollida no PCAP, de modificar o prezo máximo do contrato.

II.- Normativa contractual de aplicación.- A vixente Lei 9/2017, de 8 de novembro, de Contratos do Sector Público pola que se transpoñen ao ordenamento xurídico español as Directivas do Parlamento Europeo e o do Consello 2014/23/UE 2014/24/UE, de 26 de febreiro de 2014 (en adiante, LCSP), establece na súa Disposición transitoria primeira que a normativa relativa aos efectos, cumprimento, extinción, modificación, duración e réxime de prórrogas, se aplicará a todos os contratos administrativos, salvo a aqueles adxudicados con anterioridade a entrada en vigor da Lei. No presente caso, segundo consta nos antecedentes, o contrato administrativo foi adxudicado con posterioridade á entrada en vigor da LCSP, o que determina que o réxime da súa modificación rexerese pola normativa vixente.

III.- Posibilidade de modificación.- O artigo 190 da LCSP establece que o órgano de contratación ostenta a prerrogativa de interpretar os contratos administrativos, resolver as dúbidas que ofrezca o seu cumprimento, modificalos por razóns de interese público, declarar a responsabilidade imputable ao contratista a raíz da execución do contrato, suspender a execución do mesmo, acordar a súa resolución e determinar os efectos desta.

Asemade, o artigo 203.2 da LCSP contempla que os contratos administrativos celebrados polos órganos de contratación solo poderán modificarse durante a súa vixencia, cando se de algún dos seguintes supostos:

- a) Cando así se teña previsto no prego de cláusulas administrativas particulares, nos termos e condicións establecidos no artigo 204 da LCSP;
- b) Excepcionalmente cando sexa necesario realizar unha modificación que non está prevista no prego de cláusulas administrativas particulares, sempre e cando se cumpran as condicións establecidas no artigo 205.



Concello de Vigo

A Disposición adicional 33ª da LCSP contempla nos contratos de subministros cuas necesidades estén subordinadas ás necesidades da administración, no caso en que durante a vixencia do contrato fosen superiores ás estimadas inicialmente a posibilidade de modificar o contratos nos termos previstos no artigo 204.

IV.- En relación coa posibilidade de modificación prevista no artigo 204 da LCSP , no apartado 15 das FEC do Prego de Cláusulas Administrativas do contrato, aprobado pola Xunta de Goberno local en data 15.11.2018, establécese a posibilidade de modificación do mesmo nas seguintes circunstancias:

Poderá ampliarse ou reducirse por incorporacións de novos subministros ao contrato, ou por desaparición doutros, cando se produzan incorporacións dos novos centros escolares ou outras dependencias do Concello non contempladas no PPTP. Ou en caso contrario, cando o subministro se vexa desafectado, ou o Concello modifique o seu sistema de subministro enerxético, e dentro dos límites legais establecidos.

Un incremento da previsión de consumos indicada no prego de condicións técnicas particulares motivada por aspectos de maior uso das instalacións ou aspectos ambientais.

Un incremento producido polo prezo da enerxía primaria utilizada nas salas de produción durante a vixencia do contrato.

Así mesmo o apartado 15.d das FEC indica como límite máximo da modificación do contrato o 10% do prezo do contrato

V.- Competencia.- Procede elevar a citada proposta á Xunta de de Goberno Local, na súa calidade de órgano de contratación, conforme ó previsto na Disposición adicional segunda da LCSP a seguinte proposta de acordo:

Autorizar o inicio do expediente de modificación do contrato de SUBMINISTRO DE GAS NATURAL PARA OS COLEXIOS PÚBLICOS, ESCOLAS INFANTÍS MUNICIPAIS, PAZO DE CONGRESOS E DEPENDENCIAS DO CONCELLO DE VIGO, para a modificación do prezo máximo do contrato en relación ao incremento máximo do 10 % de acordo co indicado no apartado 15.D das FEC.

Acordo

A Xunta de Goberno local aproba a proposta contida no precedente informe.

4(314).- EXPEDIENTE DE CONTRATACIÓN DA XESTIÓN DOS CAMPAMENTOS NÁUTICOS DE VERÁN. EXPTE. 8814/336.

Examinadas as actuacións do expediente, visto o informe xurídico do 16/04/19 e o informe de fiscalización do 16/04/19, dáse conta do informe-proposta de data

15/04/19, asinado pola xefa do Servizo de Xuventude e conformado pola concelleira-delegada de Xuventude e polo concelleiro-delegado de Orzamentos e Facenda, que di o seguinte:

Con data 11 de abril de 2019 dende a Concelleira de Xuventude iníciase expediente 8814-336 para a contratación de campamentos náuticos xustificándose a necesidade e idoneidade do contrato maior ao declarar deserto ese mesmo día a Xunta de Goberno Local, por que non se presentou ningunha proposición ao Lote 1 (VERÁN NÁUTICO I), ao Lote 2 (VERÁN NÁUTICO II) e ao Lote 3 (VERÁN MARIÑEIRO), que formaban parte do expediente de **CONTRATACIÓN DOS SERVIZOS DE PROGRAMACIÓN E EXECUCIÓN DOS CAMPAMENTOS DE VERÁN 2019. EXPTE. 8752/336.**

Incorpóranse ao citado expediente a memoria xustificativa así como o prego de condicións técnicas.

O procedemento a empregar na contratación do servizo será o aberto con múltiples criterios de adxudicación e a tramitación urxente con división en lotes.

As características máis destacadas do contrato son as seguintes:

Para a execución deste contrato establece os seguintes LOTES:

LOTE 1:VERÁN NAÚTICO I.- 1/07-12/07, 15/07-24/07, 29/07-09/08, 19-30/08, (3 quendas de 10 días e 1 de 8 días c.u / 50 participantes = 200 participantes.

LOTE 2:VERÁN NAÚTICO II.- 1/07-12/07, 15/07-24/07, 29/07-09/08, 19/08-30/08(3 quendas de 10 días e 1 de 8 días c.u / 80 participantes = 320 participantes

LOTE 3:VERÁN MARIÑEIRO.- 1/07-12/07, 15/07-24/07, 29/07-09/08, 19/08-30/08 3 quendas de 10 días e 1 de 8 días c.u / 50 participantes = 200 participantes.

- ORZAMENTO BASE LIITACIÓN: 80.195,60 euros.
- VALOR ESTIMADO DO CONTRATO: 364.525,45 euros.
- ANALIDAD CON IVE ANO 2019: : 80.195,60 euros.
- PARTIDA PRESUPOSTARIA: 3370.2279912

O expediente será preceptivo que sexa informado favorablemente polo Servizo de Asesoría Xurídica do Concello.

Por todo elo , **proponse á Xunta de Goberno Local a adopción do seguinte acordo:**



Concello de Vigo

“1º.- Autorizar o gasto de 364.525,45 euros, correspondente ao valor estimado do contrato, calculado descontando o IVE ao orzamento base de licitación e para todo o periodo do contrato, no que se inclúen todos os conceptos relacionados no artigo 101 da LCSP, así como os custes laborais así como as prórrogas, para a cotratación da xestión dos campamentos náuticos de verán. O orzamento para o ano 2019 será de 80.195,60 euros, que se imputará á partida presupostaria 3370.2279912 e a súa bolsa de vinculación , coa seguinte distribución presupostaria nos seguintes LOTES:

LOTES	EUROS
1	23 23.126,45 €
2	33.942,70 €
3	23.126,45 €

2º.- Aprobar o expediente de contratación que contén o prego de cláusulas administrativas particulares para a contratación da xestión dos Campamentos náuticos de Verán para o presente ano de data 12 de abril de 2019 , así como o prego de prescricións técnicas para a prestación do servizo e a Memoria xustificativa do contrato da mesma data.

3º.- Acordar a apertura do procedemento de licitación para a selección de contratista/s na forma prevista na lexislación vixente, mediante a tramitación urxente” .

Acordo

A Xunta de Goberno local aproba a proposta contida no precedente informe.

E sen ter máis asuntos que tratar, o Sr. presidente rematou a sesión ás dez horas e cincuenta e cinco minutos. Como secretaria dou fe.

XS

A CONCELLEIRA-SECRETARIA DA XUNTA DE GOBERNO LOCAL,
Nuria Rodríguez Rodríguez.

O ALCALDE

Abel Caballero Álvarez